

5. PRAVO NA SMJEŠTAJ U HRANITELJSKU PORODICU

Hraniteljstvo je oblik zaštite izvan vlastite porodice kojim se djetetu ili odraslom licu osigurava smještaj i zaštita u hraniteljskoj porodici u skladu sa Zakonom o hraniteljstvu u Federaciji BiH.

Pod **hraniteljskom porodicom** podrazumjeva se porodica koju čine hranitelj, njegov bračni ili vanbračni partner i drugi srodnici sa kojima hranitelj i hranjenik živi u zajedničkom domaćinstvu. **Hranitelj** je lice koje ima sklopljen ugovor o hraniteljstvu i pruža usluge zaštite hranjeniku u skladu sa Zakonom, a **hranjenik** je dijete, mlađe punoljetno lice na redovnom školovanju najduže do 26. godine života, i odraslo lice kojem se osigurava briga i zaštita izvan vlastite porodice u hraniteljsku porodicu.

Hranitelj može biti srodnik ili drugo lice ako ispunjava uslove:

- a) da je državljanin Bosne i Hercegovine, a izuzetno i strani državljanin sa stalnim boravkom
- b) da je punoljetan, ne može biti mlađi od 25 niti stariji od 65 godina života, osim ako je srodnik ili se radi o izuzetku
- c) da ima poslovnu i zdravstvenu sposobnost,
- d) da ima završeno najmanje srednjoškolsko obrazovanje ili niži stepen obrazovanja ako je to u najboljem interesu hranjenika,
- e) dokaz da članovi hraniteljske porodice nemaju neizmirenih poreskih obaveza, imaju kompetencije za zaštitu, čuvanje,

njegu, odgoj i zadovoljavanje drugih potreba hranjenika
f) da ima stambene i materijalne uslove za obavljanje hraniteljstva koji su propisni Pravilnikom.

Hranitelj i članovi hraniteljske porodice moraju ostvarivati mjesečne prihode za izdržavanje po članu domaćinstva u iznosu od najmanje 15% prosječne isplaćene-neto plaće u Federaciji BiH, dok srodnički hranitelj i članovi njegove porodice ne moraju ostvarivati primanja u ovim iznosima.

Za ovo pravo iz Budžeta Kantona mogu se ostvariti dvije vrste naknade i to:

- a) **Naknadu za izdržavanje hranjenika** - u visini 30% sredstava za tradicionalno hraniteljstvo ili 50% sredstava od prosječne isplaćene-neto plaće u Federaciji BiH za specijalizovano hraniteljstvo, i
- b) **Hraniteljsku naknadu** - u visini 15% sredstava za tradicionalno ili 30% sredstava od prosječne isplaćene-neto plaće u Federaciji BiH za specijalizovano hraniteljstvo.

Prijava za obavljanje hraniteljstva podnosi se putem centra za socijalni rad ili putem službe socijalne zaštite Doboj-Jug ili Usora, koji ujedno i vrši stručnu procjenu o ispunjavanju uslova za hraniteljstvo i provodi neophodne edukacije za hranitelje i potencijalne hranitelje.

Potrebna dokumentacija za razmatranje i odlučivanje po zahtjevu za ostvarivanje prava smještaja u hraniteljsku porodicu

R/b	Potrebna dokumentacija	Dokument izdaje
1.	Lična karta hranitelja na uvid na osnovu koje se u Centru za socijalni rad/Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta hranitelja	MUP Zeničko-dobojskog kantona
3.	Izvod iz matične knjige rođenih za hranitelja i eventualno potencijalnog hranjenika	Nadležna općina/grad-matični ured
4.	Izjava o zajedničkom domaćinstvu hranitelja	Nadležna općina/grad
5.	Dokazi o prihodima članova potencijalne hraniteljske porodice, te eventualno dokazi za roditelje i /ili srodnike koji su obavezni izdržavati hranjenika	
5.1.	platna lista, uvjerenje ili drugi dokaz o nezaposlenosti	Poslodavac/Biro za zapošljavanje i sl.
5.2.	uvjerenje o osiguranju za osobu koja nije na evidenciji Bira za zapošljavanje	Zavod zdravstvenog osiguranja
5.3.	ček od posljedne penzije-starosne, invalidske ili porodične	FZ PIO/MIO
5.4.	uvjerenje o katastarskom prihodu hranitelja	Ured za katastarske poslove
5.5.	uvjerenje o primanju po propisima u boračko-invalidskoj zaštiti	Gradska/općinska služba za boračko-invalidsku zaštitu
5.6.	Uvjerenje o primanju iz oblasti civilnih žrtava rata	Gradska/općinska služba ili Centar za socijalni rad/Općinska služba
5.7.	uvjerenje o prihodu obveznika , obavljanju dopunskog rada, uslužne ili druge djelatnosti hranitelja	Poreska uprava
6.	Dokaz o stambenom statusu hranitelja	ZK ured/nadležna gradska/općinska služba za imovinsko-pravne poslove
7.	Dokaz da hranitelju i članovima porodice nije izrečena mjera porodično-pravne zaštite u pogledu ličnih prava djeteta	Nadležni sud/MUP-po službenoj dužnosti Centar za socijalni rad/Općinska služba
8.	Uvjerenje da hranitelju nije oduzeta ili ograničena poslovna sposobnost	Centar za socijalni rad/Općinska služba
9.	Uvjerenje o zdravstvenoj sposobnosti	Zdravstvena ustanova
10.	Uvjerenje da se ne vodi krivični postupak ili da podnosi zahtjeva nije krivično kažnjavan	Nadležni sud/MUP-po službenoj dužnosti Centar za socijalni rad/Općinska služba
11.	Dokaz da u porodici nisu poremećeni porodični odnosi i da hranitelj i članovi porodice ne ispoljavaju društveno neprihvatljivo ponašanje	Centar za socijalni rad/Općinska služba -po službenoj dužnosti
12.	Saglasnost roditelja/staratelja hranjenika	Centar za socijalni rad/Općinska služba
13.	Stručno mišljenje o ispunjavanju uvjeta za obavljanje hraniteljstva	Centar za socijalni rad/Općinska služba
14.	Tekući račun	Banka

Napomena:

*Dokumenti/dokazi se dostavljaju original/ovjerenu kopiju
Dokument/dokazi pod rednim br. 14 se dostavlja u kopiji*